



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Disputatio VII. De Necessitate, Effectu & Ceremoniis Baptismi.

[urn:nbn:de:hbz:466:1-72963](#)

DISPUTATIO SEPTIMA.

De Necessitate, Effectu & Ceremoniis Baptismi.

QUÆSTIO I.

An & quæ ratione Baptismus fit necessarius?

1.
Baptismus
est ad salu-
tem necesa-
rius.

Verba Chri-
sti Ioan 3.
varie tor-
quent Ha-
retici: qui
esfudantur.

Dico I. Baptismus est ad salutem necessarius. Est de fide ex Trid. sess. 7. can. 5. de Baptismo. Idemque definiens ante Florentinum in Decreto de Armenis dicens: *Nisi ex aqua & Spiritu sancto renascimur, non possumus (ut inquit Veritas) in regnum Cœlorum introire.* Idem patet ex verbis Christi Joan. 3. quæ mox ex Florentino retulimus. Illa tamen varie torquent Haeretici. Nam primò accipiunt aquam metaphorice pro mortificatione, quasi diceret Christus: *Nisi quis fuerit mortificatus non potest introire in regnum Dei.* Secundo hoc modo, ut aqua sit epithetum Spiritus sancti, q. d. *Nisi quis renatus fuerit ex Spiritu sancto,* qui per aquam designatur &c. Tertiò, ut conjunctio, & sumatur disjunctivè pro, vel, hoc modo: *nisi quis renatus fuerit ex aqua vel Spiritu sancto.* Sed hæ detorsiones sunt contra unanimum Patrum consensum & traditionem Ecclesiæ. Deinde sunt contra proprietatem verborum: cùm tamen verba sint propriè intelligenda, si nihil sequatur absurdum: quid autem absurdum est, quod aqua assumatur à Deo tamquam instrumentum necessarium ad salutem. Accedit contra primam explicationem, quod Tridentinum sup. can. 2. dicat anathema detorquenti prædicta verba ad aliquam metaphoram. Deinde si aqua ibi intelligatur metaphorice, non poterit inde probari Sacramentum Baptismi. Denique de illa aqua ibi est sermo, de qua Aet. 8. dixit Eunuchus Philipo: *Ecce aqua, quid prohibet me baptizari?* Ubi Eunuchus non voluit ostendere mortificationem, sed veram aquam. Secunda explicatio ob nimiam detorsione per se satis corruit. Denique ex tertia sequitur quod si conjunctio copulativa sumatur disjunctivè, posset quis sine spiritu cum scilicet aqua introire in regnum Dei; quod est absurdum.

2.
Parvulus est
baptismus
in re nec-
essarius nec-
ssitate mediis
extra casum
martyris.

Dico II. Baptismus extra casum martyris est parvulus necessarius necessitate mediis ad justificationem & salutem. Est certissimum ex dictis p̄ae Concluſ. Idem patet ex Pateribus paſſim obviis. Sufficiat auctoritas Augustini ep. 28. ad Hieronymum, ubi ait: *Quisquis dixerit, quid in Christo vivificabuntur etiam parvuli, qui sine Sacramenti eius participazione de vita exēnt, hic profecto & contra Apo-*

stolicam Prædicationem venit, & totam condemnar Ecclesiam, ubi propriece cum baptizandis parvulis festinatur & curritur, quia sic dubia credunt, aliter eos in Christo vivificari omnino non posse. Et l. 3. de origine animæ c. 9. ait: *Nolindere, noli dicere, noli docere; infantes, antequam baptizen tur morte preventos, pervenire posse ad originalium indulgentiam peccatorum, si vis effundere Catholicus.* Unde Vasquez appellat erroneam Sotus haereticam opinionem Gersonis, qui saltem temerè contra sensum fidelium & generalem Dei legem in Scripturis expressam exceptit nonnullos parvulos, quos ex speciali misericordia Dei creditit aliquando salvari sine Baptismo, ob specialem parentum devotionem: nam absque urgenti fundamento id sit contra legem communem manifestissimè promulgatam & generaliter ab omnibus intellectam. Alioquin certè similes exceptiones licebit excogitare circa alias generales Dei leges, v. g. quod ex gratia speciali aliquando salvetur, qui ante mortem non egit penitentiam de peccatis.

Probatur ratione Theologicâ: quia parvuli juxta fidem sunt infecti peccato originali; & extra casum martyris nullum est aliud medium, nisi Baptismus, quo ab illo iustificantur: ergo Baptismus est illis medium, & quidem necessarium ad justificationem, & consequenter ad salutem. Nam illud diffidatur necessarium necessitate mediis, quod est medium sine quo juxta legem ordinata justificatio sive salus obtineri nequit, etiam si ex ignorantia, oblivione aut impotentiâ non adhibeatur.

Oppositum conclusionis tenent plerique Haeretici nostri temporis, & Calvinus saltem de parvulis fidem, quos dicit sanctos & membra Ecclesiæ sine Baptismo, adeoque sine illo posse salvari. Pro quibus

Dices I. Matth. 19. Christus ait: *Sicut parvulos (infantes vocantur Luke 18.) ad me venire: talium est enim regnum cœlorum;* ergo si sine Baptismo possunt salvari. Resp. Neg. Cons. nam Christus tantum voluit parvulos elevatione ætatis nihil habere malitiae actualis, quod eos excludat à regno cœlorum, prout habent adulti, quibus parvulos opponunt; ut proinde humilitatis similitudinem in parvitate posuerit, juxta Augustinum lib. 1. de Peccatis, c. 19. Adde, quodcunq; temporis Baptismus nondum erat necessarius necessitate mediis; quodque à parvulis Iudeorum, sive fidelium ad Christum per se vel per alios offerentes accedentibus (de quibus Christus ipse loquebatur) macula originalis

ginalis per circumcisōnem aut remedium Legis naturæ dudum erat ablata. Aut certè Christus insinuat talium esse regnum Dei, si scilicet ad Christum venerint, ab eoque benedicti sint; uti & aliorum parvulis quod ad mores similiū.

Dices II. *Genes. 17.* Deus promisit Abraham se futurum Deum seminis ejus: ergo saltem filii fidelium, qui intelliguntur semen Abrahæ, sunt Deo grati sine Baptismo. Resp. Neg. Cor. nam locus iste intellectus de filiis Abrahæ carnalibus nihil aliud eis promittit, quād quod introducebatur in terram Chanaan, & contra hostes defenderentur à Deo, quoisque mandata ipsius servarent: & tunc non est ad rem. Si autem intelligatur de semine Abrahæ spirituali, id est, de fidelibus & justis, ac similiter de spiritualibus promissionibus; tunc mala est deductio: cum parvuli in Lege gratiæ non censemantur spirituale semen Abrahæ sine Baptismo, sicut ante Legem gratiæ non censemantur sine circumcisōne aut alio remedio: quia nimirum nascuntur in originali peccato, etiam filii fidelium, ut de se ipso testatur Propheta *Psalm. 50.* Ecce in iniurītibus conceptus sum, & de te ipso ac suā gente Apostolus ad *Ephes. 2.* Eramus & nos naturā filii ira, sicut & ceteri. Et patet ex generali sententiā Apostoli ad *Rom. 5.* In quo omnes peccaverunt. Unde ut etiam filii fidelium sicut semen Abrahæ spirituale, debent spiritualiter regenerari per Baptismum in lege nova; ut etiam docet *Ecclesiast.* tradidit.

Dices III. Apostolus *1. ad Cor. 7.* filios fidelium vocat sanctos, dicens: Sanctificatus est vir infidelis per mulierem fidem, & sanctificata est mulier infidelis per virum fidem: aliquis filii vestri immundi esset, nunc autem sancti sunt. Ergo Baptismus non est ipsis necessarius Rclp. Neg. Conf. Apostolus enim non vult filios, quorum unus saltem parentis est fidelis, esse co ipso sanctos verā sanctitate; cum eodem modo dicat, conjugem infidelem esse sanctificatum per fidem: quod indubit etiam juxta Hæreticos nequit intelligi de vera sanctificatione. Inter varias autem hujus loci expositiones (qua vidēri possunt apud Vasquez d. 149 cap. 2. & alios, & quam nulla faverit Hæreticis) haec apparent probabiliores.

Prima est, ut Apostolus dicat filios fidelium sanctos extrinsecā solum reputatiōne & denominatione; sicut cetera, quæ rebus sanctis junguntur, quodammodo sancta reputantur: quo modo etiam conjugem infidelem recte dicit sanctificari per fidem. Sibili ratione ad *Rom. 11.* ait: Quod si delibario sancta est, & massa, & si radix sancta, & rami. Ubi Judæos, et si tunc nequam & infideles, ostendit non deberet contemni à Gentibus, sed potius amari, & honorari ob sanctitatem radicis, Pa-

triarcharum videlicet & Prophetarum, quād extrinsecè communicabant. Ita *Coinck ad q. 68. num. 5.* Faulò aliter alii (& Secunda ex. satis placet *Eflio in Commentario*) expo-positio pro-nunt Apostolum de ea sanctificatione, quā babilior.

conjugus infidelis ex casta & timorata con-versatione conjugis fidelis paulatim de-suescit à spurciis & luxuriis contranaturalibus Gentilium, esto non usque ad per-fectam conversionem. Similiter de sanctificatione, quā filii adulti, et si nondum ad fidem conversi, castius educantur à paren-tibus simul habitantibus si alter eorum fi-delis sit, quād si digresso fidi maneat apud infidelem, inficiendi nimirum vitio immunditia & luxuria signanter, quo potissimum laborate solent filii infidelium. Videturque hæc expositio solidior & magis realis quād precedens.

Tertia est, ut Apostolus conjugem infi-delem dicat sanctificari per fidem ob *Tertia ex-probablem spem perfectæ conversionis positiō non minis probabilius.*

Vnde enim sis (id est, quidni sperabis) *mulier, si virum salvum facies?* &c. Filios autem vocat similiter sanctos, scilicet in spe; eò quod speretur eos operā fidelis parentis, tamquam talis pacifice cohabitantis, baptizandos, & Christianè sancteque educandos. Quia ve-rò hæc spes ex toto corruit quoad conju-gem, si fiat separatio, & pro magna parte quoad filios (natum est enim fieri, quod proles tempore illo saltem, quo dominatur infidelitas, sequatur conjugem infidelem, maximè si sit vir) ideo dissuadet Apostolus in casu, quo fidelis in cultu suæ fidei pa-cifice relinquitur, fieri separationem. Ita Vasquez supra, allegans Augustinum & alios.

Nonnulli denique primam & tertiam *Duas expō-positiōnēm jungendam censem:* eò quod Apostolus significare potuerit utroque *ex nulli jun-* his modo filios & conjugem infidelem san-gue, & trac-tandos esse, tum quatenus censem quid unum cum fideli parente & conjugē: tum quatenus adegit spes ac velut initium verā sanctifica-tionis. Pari modo posset jungi secunda & tertia expositio.

Dico III. Baptismus est adultis ad justifi-cationem & salutem necessarius, tum ne-cessitate præcepti, tum etiam necessitate mediī, saltem in voto. Prima pars colligi-tur ex *Matth. 10.* Euntes docete omnes Gentes, est adultis baptizantes eos &c. ubi Apostolis datur præ-ceptum baptizandi, & ex consequenti aliis *ex præcepto* Baptismum suscipiendo. Patet etiam ex verbis Christi *Ioan. 3.* Nisi quis renatus fu-erit &c. Ex quibus colligit *Trid. sess. 6. c. 4.* justificationem non posse fieri sine Baptis-mo, aut ejus voto; quod tamen esset fallum: posset enim fieri per contritionem perse-ctam, quæ non esset votum Baptismi, si Baptismus non esset præceptus. Non præci-pitur

Etiā dīre-
tō pēr sē ad
ipsū Bap-
tīmum.

pitur autem solum Baptismus indirecte, quatenus videlicet praecepit finis, ad quem est medium necessarium in re vel in voto: sed etiam praecepit directe in se, adeo ut quāvis finis non esset praeceptus, aut justificatio jam esset obtenta, equidem maneret obligatio suscipendi Baptismum; ut patet in iis, qui tempore Christi justificationem acceperant sine ulla obligatione aut respectu ad Baptismum, qui tunc nondum erat praeceptus, sed paulo post. His enim non erat necessaria Baptismi suscep-
tio in re vel in voto in ordine ad justificationem, sed solum ad evitandum novum peccatum; utique propter obligationem suscipiendo Baptismum ortum ex generali praecepto Christi. Quāvis si tales post promulgatam legem Baptismi rursum in mortale incidissent, suisset quoque Baptismus in re vel voto medium eis ad justificationem, adeoque ad salutem necessarium. Ut erat illis quoque, qui ante legis promulgationem in peccata prolapsi, ab iis nondum erant tempore legis promulgatae mundati. Est itaque praeceptum directum de ipsa suscep-
tione Baptismi concernens omnes adulti: omnes enim ex praecepto obligantur ad Christianismum & Ecclesiæ Christianæ in-
gressum, qui fit per Baptismum: adeoque obligantur ex praecepto ad ipsum Baptismum.

Quod pro-
inde in per-
iculo mortis
tenetur ad-
ultus sine
mora imple-
re.

Ex quo sequitur adulterium, etiam justificatum, in periculo mortis constitutum teneri absque dilatione suscipere Baptismum: cum enim illum semel in vita teneatur recipere; & per eundem in Ecclesiam introire, sequitur vel tunc saltem obligari ad susceptionem illius.

8.
Est etiam in
se, aut in vo-
to necessa-
riu[n] necessi-
tate medi.

Secunda pars patet ex verbis Christi Joan. 3. quæ sunt generalia etiam pro adultis, & designant Baptismum esse medium necessarium ad regnum Dei acquirendum, saltem in voto. Idemque exprimit Tridentinum sup. docens alteri post promulgationem Evangelii justificationem fieri non posse. Ratio est: quia Baptismus est institutus tamquam medium ad justificationem & salutem; & quidem non est aliud, nisi ipse in re, aut in voto: ergo illo modo est necessarius necessitatem medi.

Differētia
inter Bap-
tīmum &
restitutio-
nem seu alia
præcepta.

Nec inde sequitur, etiam illa, quæ tantum sunt necessaria necessitate præcepti, esse necessaria necessitate medi, v. g. restitu-
tionem; eo quod sur v. g. non possit ju-
stificari, nisi restituat rem furto ablatam,
sive in re, sive in voto. Non sequitur; in-
quam: quia restitutio, & similia ex præ-
cepto necessaria, non sunt instituta in re-
medium peccati præteriti deletivum, sed tan-
tum sunt necessaria ad evitandum pecca-
tum novum; vel tantum removent prohiben-
tis justificationem, non autem influunt in illam, vel umquam ad illam re ipsa con-
currunt: prout Baptismus maximè concur-
rit re ipsa; in casu autem contritionis con-
currat in voto, sic tamen, ut postea sit adhi-
bendus etiam in ordine ad peccata dimissa;

sicut debet, adhiberi Sacramentum Peni-
tentiae peccatis etiam per contritionem de-
letis. Quare contrito respicit restitu-
tionem & similia tamquam præcepta, non
tamquam media ad justificationem institu-
ta; respicit autem Baptismum tamquam vo-
tum rei, quæ se ipsa est medium ad justifi-
cationem.

Ubi nota, non sufficere quodcumque vo-
tum Baptismi: qui enim simpliciter desidie-
raret Baptismum, non ideo justificaretur
absque Sacramento re ipsa suscep-
to. Intel-
ligitur itaque votum h[ab]e desiderium Bap-
tismi conjunctum vel contentum in contri-
tione charitate perfecta; quam etiam sine Sacra-
mento infallibiliter justificare doce-
tur in materia de Gratia contra Michaelem
Baium. Sufficit etiam votum Baptismi con-
junctum mafyrio aut contentum in suffici-
enti ad illud dispositione eidem conjuncta.
Quæ autem talis sit, dicetur disp. seq. q. 3.

Dico IV. Adultus sufficienter infide-
instructus, vel qui potest brevi sufficien-
tia instrui, non potest Baptismum diu differ-
re. Ita communiter Doctores. Probatur:
quia tenetur, dum commodè potest, in-
trare in Ecclesiam, & fieri membrum my-
stici corporis Christi; quod non nisi per
Baptismum fieri potest. Neque enim suf-
ficit in Ecclesia mori, sed opus est in ea
vivere, & consequenter data opportuni-
tate in illam intrare: ideo namque Christus instituit Ecclesiæ Pastores, Sacra-
menta iterabilia, quibus homines in Ecclesia
regerentur & continuò pascerentur. Con-
firmatur: quia nisi illud tempus assig-
natur, nullum poterit assignari præter finem
vitæ aut periculum, in quo suscep-
tione Baptismi obligaret; cum non sit potior ratio,
cur alias, quam primâ opportunitate. Ex
quo non parva incommoda sequentur:
nam sine suo Sacramentum frustraretur, &
redderetur homin ceterorum incapax. Ita-
que (& est ratio à priori) videtur ita
Christo institutum, ut cum primū com-
modè potest suscipi, nec est ratio differendi,
suscipiatur: cum non tantum in remissio-
nem originalis & aliorum peccatorum ut
Penitentia & contritus, quæ non obligant
ad statim sit institutum, sed etiam ut quic-
que fidem Catholicam profiteatur, ob quod
in ipsa forma Trinitatis invocatio conti-
netur. Quare mysteriis fidei satis propositis;
tenetur eamdem exteriū profiteri in hoc
Sacramento, quo recipiatur ad coetum à
Christo fundatum, ut subditus sit ejus capiti
& capax ceterorum Sacramentorum. Con-
firmatur à simili: nam qui vovet Religio-
nem ingredi, et si non determinet tempus,
tenetur statim moraliter loquendo, & quod
vi voti illius totam vitam suam & vitæ tem-
pus

pus offerat & consecret ad illum statum : ita hoc præceptum obligans homines ad assumendam Religionem Christianam, obligat statim moriliter loquendo , seu obligat, ut non nimis differatur. Obligationis credendi interius mysteriis fidei satis propositis, & quidem sine ulla mora, non feci hic mentionem : eò quod istius & præsentis obligationis non appareat per omnia par ratio.

11. *Dixi, Non posset Baptismum diu differre;*
quia res ista non consistit in indivisibili.
Unde consequenter si parum differat, non statim graviter peccabit. Quando autem dilatio censetur notabilis, debet prudenter dijudicari spectatis causis occurrentibus. Quia si rationabiles sint, nullum erit peccatum aliquantò diutius differre Baptismum juxta illarum exigentiam. Quomodo nonnulli graves & sancti viri, ut Ambrosius, Nazianzenus, & alii possent excusari, qui Catechumeni & satis instructi distulerunt Baptismum per satis longum tempus. Nisi quis eos excusare malit per bonam fidem aut invincibilem ignorantiam dictæ obligationis tunc eis fortasse non satis notæ aut propositæ.

Contra conclusionem Nonnulli sibi obiciunt, quod olim potuerit, immo debuerit Baptismus etiam satis instructorum differri usque ad Pascha vel Pentecosten, extra quæ tempora, secluso calu necessitatibus, non conferebatur Baptismus adultis. Respondent autem iidem objicientes, id hodie non licere, cessante hujusmodi lege. Verum nullatenus id credo : nam etiam hodie dicit (ut utar verbis Ritualis Romani Tit. de Bapt. adulorum) *hujusmodi Baptismum ex Apostolico instituto in Sabbato sancto Pascha vel Pentecosten solemniter celebrari*; adeo que saltem consultum aut licitum est, hoc institutum etiamnum obseruare: cum non sit credibile illud fuisse tale, ut obligatione illius cessant dilatio Baptismi usque ad subsequens v. g. Pascha foret reputans præcepto Christi. Quare (inquit Rituale Romanum sup.) *si circa haec tempora Catechumeni sint baptizandi, in ipsos dies, si nihil impediat, Baptismum differri convenit. Verum si circa, seu post tempus Pentecostes aliqui conversi fuerint, qui exinde sunt suum Baptisma in longum tempus differri, & ad illud festinare, instructique ac rite parati esse noscantur, tunc baptizar possunt.* Ubi clare supponitur Baptismum etiam in casu sufficientis instructionis pati hanc dilationem: immo si baptizandi non ægræ ferant nec ita festinent, decentius illum sic differri. Ut proinde hujusmodi dilatio, vel non sit per se nimia, vel certè ei suffit rationabilis causa, tum ratione temporis Pascha & Pentecosten huic mysterio specialiter accommodati, tum ratione majoris solemnitatis, & conformitatis, instituto Apostolico, indu-

Herinix Sum. Thiol. Pars IV^o

bis rationabilissimo. Post hæc vidi *Artiga d. 26. pum. 36.* censem conformiter, quod dilatio unius anni non foret gravis. Ubi etiam recte addit obligationem non nimis differendi injici adultis non potuisse ab Ecclesia ; quæ non habet mandare iis qui foris sunt.

Q U A E S T I O . II.

De Effectu Baptismi.

DI CO I. Hujus Sacramenti effectus ^{13.} *est remissio omnis culpæ originalis Baptismus & actualis ante Baptismum commissæ. Ita remisit omnem culpam præcedentem.* Idem Trident. sess. 5. in Decreto de peccato originali. Et sess. 14. cap. 2. docet, *Per Baptismum Christum induentes, nova prorsus efficiuntur creatura, plenam & integrum peccatorum omnium remissionem consequentes.*

Patet ex Scriptura, Ezechielis 36. *Effundam super vos aquam mundam, & mundabini ab omnibus inquinamentis vestris.* Quod Patres interpretantur de aqua Baptismi. *Ad Titum 3. Salvos nos fecit per lavacrum regenerationis.* *Ad Rom. 8. Nihil damnationis est nisi, qui sunt in Christo Iesu;* scilicet per Baptismum. *Ad Ephes. 5. Christus dilexit Ecclesiam, mundans eam lavacro aquæ in verbo vite ut exhiberet ipse filii gloriosam Ecclesiam non habentem maculam aut rugam aut aliquid hujusmodi, sed ut sit sancta & immaculata.* *Act. 2. monet Petrus, ut baptizetur unusquisque in remissionem peccatorum.* Cui consonat Symbolum Constantinopolitanum generaliter dicens: *Confiteor unum Baptisma in remissionem peccatorum.* Patres vide alibi.

Ex quibus patet, quam incepit Hæretici dicant peccata in Baptismo verè non remitti, sed solum tegi seu non imputari: quo modo enim homines tunc sunt mundi & immaculati juxta Scripturam, & non potius sepulchrum dealbatum intus plenum sanie & fetore? Quo modo Ecclesia exhibetur Deo gloria, sancta & immaculata, ante cujus oculos nihil tegi potest, aut aliter imputari, quam est? Unde Trident. sess. 5. cit. dicit anathema afferentibus peccata tantum radi, *aut non imputari.*

Ratio fundamentalis est voluntas Christi instituentis, quæ ex Scriptura & traditione constat.

Conclusio est intelligenda per se, scilicet quando non ponitur obex: si enim de *Nisi ponatur obex, qui etiam impedit fieri peccati sursum ve nialium remissionem,* aliquo peccato mortali non adesset dolor debitum, nullum omnino remitteretur: cum unum peccatum mortale non remittatur sine alio, neque etiam venialia sine mortali, quando in subiecto simul est aliquod peccatum mortale. Similiter si de aliquo veniali non adsit sufficiens disiplentia, ceteris remissis hoc non dimittetur per Baptismum, nisi postmodum ablato obice ad

206 Disp. VII. De Necessitate, Effectu & Ceremoniis Baptismi.

14.
Attamen
plenariè ad
hanc revi-
sionem Bap-
tismus pos-
tā retracta-
tione

hunc etiam effectum reviviscat. Sicut enim implicatus peccatis mortalibus & venialibus, si indispositus baptizetur, postea reviviscente Baptismo per generalem omnis peccati detestationem remittuntur vi Baptismi praecedentis omnia peccata, tum mortalia, tum venialia, Baptismum praecedentia; sic si sit obex ad remissionem solorum venialium, multo magis videtur reviviscere Baptismus ab eorumdem remissionem: ne alioquin Baptismus reviviscens in peccatore vim habeat, etiam in venialia, & non in homine justo.

15.
Sine accessu
nove gratia
Baptismus
tis.

Observa tamen, quod dum Baptismus reviviscit ad remittendum mortalia, conferatur gratia sanctificans Sacramenti; ut pote antea non collata. Quando autem reviviscit ad sola venialia remittenda, que antea non erant retractata, gratia Sacramenti sicut collata in susceptione, venialia vero ista remittuntur absque collatione novae gratiae, in iuitu Sacramenti praecedentis seu gratiae sacramentalis prius collata: quamquam per accidens simul concomitur infusio gratiae correspondentis retractationi ipsi, tamquam operi bono hominis justi, & meritorio ex opere operantis.

Porrò sicut accidente postea retractatione remittuntur venialia Baptismum praecedentia etiam quoad penam; sic etiam videntur remitti cum iis morienti ad positionem retractationis in instanti post vitam: qui proinde, si post baptismum non peccasset, non iret ad purgatorium. Immo Dicasterio d. 2. n. 173. & 265. testatur hunc esse communem sensum fidelium.

16.
Baptismus
remitit
omnem pa-
nam pro-
priè dictam.
Differentia
inter illas
& penali-
tates hujus
vitæ.

DICO II. Baptismus cum culpa simul remittit omnem penam propriè dictam; non vero auferit penalitates hujus vitæ. Pro intellectu conclusionis Notandum in hominibus lapsis esse quosdam defectus ex ipsa natura tristundos, qui etiam essent in homine condito in statu puræ naturæ, quantum ad substantiam & imperfectionem. Hujusmodi sunt passio corporis, dolores, agitardines, fames, formes appetitus sensitivi, mors &c. quibus quia subventum erat per justitiam originalem, & in homine lapsi revixerunt, amissæ per peccatum originali justitiæ, ideo non carentur in ipso merè naturales, sed peciales, & vocantur à Theologis penalitates. Alli sunt defectus, qui ab extrinseco per Deum homini infliguntur ad satisfaciendum justitiæ vindicativæ, sic ut nullum in ipsa natura hominis habent fundamentum, v.g. torquentia inferni, penæ purgatorii &c. Et hi sunt penæ propriæ ac strictè dictæ. Quo notato

17.
penam om-
nem remittit
definit
Conciilia.

Prima pars conclusionis patet ex Florentino sup. ubi ait: Hujus Sacramenti effectus est, remissio omnis penæ, quæ pro ipsa culpa deberet. Propterea baptizatis nulla pro peccatis præteritis injungenda est satisfactio, sed morientes antequam culpam aliquam committant, statim ad

regnum celorum & Dei visionem pervenient. Similiter habet Trid. Ieff. 5. can. 5. ubi de baptizatis dicit: Innocentes, immaculati, puri, innocui ac Deo dilecti effecti sunt. Et ita ut nihil prorsus eos ab ingressu caloremetur. Indubie autem aliquid eos remoraretur, scilicet cuius poenæ persolvenda debitorum remanerent. Et Ieff. 6. cap. 14. docet panam tempore non totam semper, ut in Baptismo fit, dimitti accendentibus ad Sacramentum Penitentie. Item Ieff. 14. cap. 2. & 8.

Probatur I I. ex traditione Ecclesiastica, quam Patribus ostendunt Nonnulli inter quos Suarez. Sed sufficenter ex eo constat, quod baptizatis numquam, confessis semper, Ecclesia injunxit opera satisfactoria, indubie, quia cfedebat baptizatos ob remissionem omnis poenæ nullâ satisfactione indigere, sicut confessi indigent.

Congruentia est, quod in Baptismo fit prima condonatio, quæ solet esse liberalior. Deinde in illo Sacramento expressius representatur mors, sepultura & resurrecio Christi: unde congruum erat, ut Christus majorem ei virtutem conferret. Tertiæ divine Justitiae ratio (inquit Trid. Ieff. 14. cap. 8.) exigere videtur, ut aliter ab eingratianam recipientur, qui ante Baptismum per ignorantiam deliquerint: aliter vero qui semel à peccatis & damnis servitute liberati, & accepto Spiritu Sancti dono, scienter templum Dei violare & Spiritum sanctorum contristare non formidaverint. Non fit autem tam adæquata remissio vi justificationis Baptismi præcisæ ex natura rei, sed ex liberali, etiæ magis congrua donatione Dei. Alioquin gratia quæ in Baptismo confertur, est ejusdem rationis cum ea, quæ in Sacramento Penitentie: & utrobius potest esse peccatorum ac dispositionis æqualitas; immo in Baptismo dispositio longè minor, & peccata longè plura & majora: & tamen infallibiliter in Baptismo omnia integrè & adæquatè remittuntur, non ita in Sacramento Penitentie. Statuit itaque Christus cuilibet renasci volenti dñe semel plenissimum quæ jubileum, sic ut vetus Adam totus quoad culpas ac proprium earumdem effectum sepeliatur in aquis per merita sue amarissimæ passionis ac mortis; at denud relabent non tam faciliter veniam culpæ simul cum pena tribuere.

Secunda pars conclusionis est nimis certa per experientiam: morimur enim omnes, ac somitem peccati, etiæ per gratiam Baptismi nonnihil minuantur, inviti sentimus, variisque hujus vitæ calamitatibus indies subjiciemur. Cujus rei variae à sanctis Patribus assignantur rationes. Prima, ut penalitates patienter tolerando habemus materiam meriti & exercendæ virtutis: nam juxta Apostolum 2. ad Cor. 12. Virtus in infirmitate perficitur. Secunda, ut ex nostra naturæ subjectione ac dejectione profun-

profundius humiliaremur, & appareret quantum divinâ gratiâ indigamus. Tertia, ut homo circumferendo lapsus sui testimonium magis agnoveret beneficium redemptoris. Vide D. Thomam q. 69. a. 3. & Suarez ibidem in Commentario.

QUÆSTIO III.

De Ceremoniis Baptismi.

OLIM duobus tantum anni temporibus, scilicet in Paschate & Pentecoste Baptismus conferri consueverat: quibus diebus baptismalis fontis aqua ritè consecratur. Immo alio tempore conferti prohibebatur extra casum necessitatis, ut patet ex c. Non ratione 11, & c. Duo tempora 12. de Consecr. dist. 4. Quem ritum ex Apostolico provenire instituto indicat *Rituale Romanum* Tit. de Baptismo adulorum. Quid intellige de adultis: nam parvulis Ecclesia Romana semper conferebat; et si alibi, signanter in Gallia, citra necessitatem non conferretur etiam parvulus extra duo anni tempora. Quamvis autem hic mos quod obligationem exoleverit: nihilominus, juxta *Rituale Romanum* Tit. de tempore & loco administrandi Baptismum, illum quantum fieri commode potest, in adultis baptizandis, nisi vita periculum immineat, retineri decet, aut certe non omni nostrarermiti, precipue in Metropolitani aut Cathedralibus Ecclesiis.

Solubus autem istis temporibus conferri Baptismus cum magna solemnitate & variis ritibus seu ceremoniis, partim præcedentibus, partim comitantibus, partim consequentibus Baptismum. Et in primis Baptismum necessariò præcedebat Catechismos. Substantialis quidem, consistens in sufficienti instructione & doctrinâ rerum fidei, est necessarius vélut ex natura rei, suppositâ institutione & fine Baptismi, ad convenienter ejusdem usum. Ceremonialis autem requirebarur ex instituto Ecclesiæ, consistens in quodam speciali modo & ordine ab Ecclesia instituto in Catechumenorum instructione & præparatione ad Baptismum.

In primis autem quicunque volentes animum fidei Christianæ applicare catechizandis aggregabantur in ordine ad audiendas res fidei, generali nomine dicebantur Catechumeni. Quorum duo erant genera, Unum illorum, qui necdum Baptismum petierant; & huius abantur Auditores seu audientes. Alterum eorum, qui jam Baptismum petierant; & hi vocabantur Competentes, quasi Baptismum cum aliis petentes, aut etiam Plecti, scilicet ex ceteris.

Se undò instituebatur scrutinium, id est examen, quo explorabantur animi petentium circa fidei firmitatem, idque diversius odè & frequenter: nempe septies, ut

Henricus Sum, Theol. Pars IV.

habet Bellarm. l. 1. de Bapt. c. 25. Præcipuum erat tertium scrutinium, quod fiebat feriâ quartâ post Dominicam quartam Quadragesimæ. Tertia ceremonia erat abrenuntiatio Satanæ, quæ sèpè fiebat tempore scrutinii. Ejus formam tradit *Clemens Romanus* l. 7. confit. c. 42. Quarta erat fidei professio, quem tempore scrutinii, tum tempore Baptismi fiebat Symboli recitatione. Quinta, signum crucis fronti & pectori Catechumeni impressum. Sexta, exorcismus, id est, adjuratio daemonicis certis precibus facta, ut recedat ab homine baptizando. Septima, exsuffratio ipsi exorcismo annexa. De qua *August. lib. 6. contra Jul. cap. 5.* inde probans contra eumdem esse peccatum originale in parvulis non baptizatis, ait: *Id in commemorare timuisti, tanquam ipse ab orbe toto exsufflandus eses, si huic exsufflationi, quæ princeps mundi à parvulis ejicitur foras, contradicer voluisses.* Octava, gustatio salis quod Catechumeni dabatur gustandum in signum cœlestis prudentiae & sapientiae, quam tunc Catechumeni debebant gustare, & addiscere. Illius meminit *Carthaginense* III. c. 5. Nona, tactus narium & aurium cum saliva ad exemplum Christi Marii & tactus aurium ut aperirentur aures (inquit *Ambrosius* l. 1. de Sacram. cap. 1.) ad sermonem & ad eloquium Sacerdotis: narium ut baptizandus bonum odorem accipiat vita æternæ. Decima, impositio manuum cum benedictione sacerdotali, ad exemplum Christi, qui *Matth. 19.* legitur parvulis manus imposuisse. Undecima, uncio, quæ Catechumenus oleo benedicto ungebatur in scapulis & pectore. Duodecima, abstinentia à vino & carnis, ut animi Catechumenorum disponerentur ad dignius suscipiendum Sacramentum, de quo *Carthaginense* IV. can. 85.

De his ceremoniis latius videri possunt, *Rabanus* l. 1. de insti. Clericorum, *Bellarminus* sup. & alii, qui singulas auctoritate Patrum stabiliant.

Inter ceremonias Baptismum concomitantes prima est, quod debeat conferri in locis ad hoc consecratis, que antiquitus erant à templo distincta, & vocabantur baptisteria; jam verò intrâ templum aliquis ad hoc solet designari locus. Vide Clem. Vñit. de Baptismo. Ubi tamen excipiuntur casus necessitatis, in quo proles sine periculo non potest ad Ecclesiam deferri. Excipiuntur ibidem filii Regum & Principum; intellige juxta *Glossam* & alios supremorum, qui videlicet nulli alteri subjecti sunt: quamvis Nonnulli idem extendant etiam ad alios eminentes Principes, eti alteri subjectos. Et in *Rituale Romano* Tit. de tempore & loco administrandi Baptismum generaliter excipiuntur filii Regum & Principum magnorum, id ipsi depositentibus. Secunda est, quod Baptismus conferatur in

23.

Ceremonia Baptismum concomitante.

208 Disp. VII. De Necessitate, Effectu & Ceremoniis Baptismi

in aqua ad hoc pridiē Paschatis aut Pentecostes per infusionem chrismatis aliasque ceremonias consecrata. Tertia, quod adhibentur patrini; de quibus postea. Quarta, quod nomen imponatur, ut olim solebat in circumcisione *Iux. 1.* nullibi tamen legitur prohibitum illud commutare etiam propriā auctoritate. Quinta, quod olim continebatur in tria mētione: nunc ferē in tria infusione.

24. *Ceremonie Baptismum consequentes* prima est, osculum pacis, quo omnium fidelium Baptizatum tamquam fratrem salutabant. Secunda est uncio christi facta in vertice baptizati, quae in Ecclesia Latina est antiquissima, ut patet ex *Damaso, Innocentio 1. Ambroso & Hieronymo:* quos citat *Bellar. I. de Baptismo c. 27.* Christus vero debet esse novum sive istius anni, ut habetur c. *Si quis de alio, dicit. 4. de Confir.* Unde extra necessitatem illicite in Baptismo adhibetur christi alterius anni. Quāvis ob difficultatem habendi novum possint Religiosi in partibus Indiarum uti veteri christmate & sancto oleo usque ad quatuor annos ex concessione *Gregorii XIII.* apud *Rodriguez Tom. 1. q. Reg. q. 33 a. 5.* & *M. da Tom. 1. q. 43 a. 4.* Idem docent etiam hic posse Sacerdotes uti veteri oleo & christmate, donec advenerit novum, ob periculum mortis, in quo sunt iugiter parvuli in illa tenella aetate constituti. Adulti tamen extra mortis articulum non possunt adhibito veteri christmate baptizari.

Tertiō, recens baptizatus seu Neophytes induebatur vestimento candido in signum innocentiae & novitatis vitæ; illudque deserebat per octavam Paschæ, ac in ipsa die octava (quæ inde Dominicæ in Albis dicta est) deponebat. Cujus ceremonia vestigium adhuc manet in Baptismo adultorum, qui Romæ temporibus istis s. lemniter baptizantur. In Baptismo autem parvolorum Sacerdos operit caput infantis veste candida. Quartō, in signum accepti luminis fidei & gratiae dabatur baptizato cereus accensus. Quintō, dabatur in Ecclesia occidentali gulfandum lac & mel, ad infantia spiritualis significationem. Unde Dominicæ in Albis canitur: *Quasi modo geniti infantes lac concupiscit.* Hæc tamen consuetudo exolevit, ut & altera de osculo pacis, item alia de lotione pedum Neophytorum; ut ex Ritualibus & Pastoralibus patet. Et haec tamen de ceremoniis Baptismi adultorum. Parvulis autem baptizandis adhibebantur ex predictis illæ ceremoniæ, quæ per aetatem licebant.

25. *Ad quid deservat Catechismus in sanitatem baptizandorum.* Solum circa Catechismum parvolorum, qui antiquissimus est ac etiamnum simili ferè ritu adhibetur, est observandum, quod et si parvuli in sua persona sint incapaces instructionis, utiliter tamen fiant ea, quæ Ecclesia observat. Nam in primis sunt

capaces ceremoniarum Catechismi quoad eam partem, quæ catechizandis imponitur nomen, & imprimatur signum crucis. Deinde suscepentes infantium nomine faciunt professionem fidei, symbolum & rationem Dominicam recitant, manuque cœpti baptizandi imponunt, tum ut moneantur obligationis luce quæ obligantur ad instructionem infants: tum ut designetur obligatio ipsius infants, veluti non minus obligati ad professionem fidei & religionis Christianæ ubi adoleverit, quam à propriâ voluntate Baptismum suscepisset.

Quod attinet suppletionem ceremoniarum Baptismi omisarum ab Hæreticis, difficile est jam adultos ad eam obligare, nec appetat idem consonum praxi: Unde & Varii Scriptores horum locorum istam obligationem negant. Et consonat *Philippus Ravenius* in Constitutione sua ad omnes subiectos in ditionibus Belgii confederatis directa Anno 1638. in qua de hac re loquens ait: *Vnctiones veræ & reliqua ceremonia Ecclesie Catholicae pro discretione Sacerdotum & votione suscipientium poterunt supplicari.*

QUÆSTIO IV.

De Patrino in Baptismo adhibendo.

DICO I. In Baptismo solemper adhibendus est patrinos seu susceptores. Parte ex antiquissimo usu Ecclesiæ, cuius testis est *Dionysius Areopagita Ecclesiastica Historia c. 2. p. 2. & c. 7. in fine Terrullianus. de Baptismo c. 18. & Aug. I. 1. de peccatorum meritis c. 34.* Patet etiam ex *Trid. sess. 24. c. 2.* ubi hanc obligationem supponit. Quod idem faciunt plura alia jura. Congruentia est, quod (ut ait *D. Thomas q. 67 a. 7.*) sicut in generatione corporali parvulis datur nutritio, ita in spirituali detur aliquis qui fungatur vice nutrīcis & paedagogi. Hinc etiam vocatur sponsor sive fideiussor, patronus seu patrinos. Ejusque officium est parvulum de fonte levare, ac in fide & moribus Christiani instruere. Quæ obligatio est gravis, ut docent Doctores cum *D. Thomas sup. a. 8.* quia unusquisque tenetur explicere munus quod assumit. Deinde suscipiendo tacitè promittit se id facturum. Cessat tamen ista obligatio, quando baptizatus creditur satis instrui a parentibus, pastoriis, præceptoribus aut aliis. Quæ ratione plerumque excusat patrini in locis Catholicorum, ubi prædicta instrucción sufficienter viget existimetur. Item cessat hæc obligatio, quando baptizatus semel sufficienter fuerit instructus: nam tunc non censetur amplius parvulus aut indigens paedagogi. Ita *Sharez ad art. cit. & alii.*

Dico

Dico II. Ad munus susceptoris seu patrini afflumi non possunt Monachi, ut decernit Eugenius Papa c. Placuit 16 q. 1. neque exceptiunt Abbatess, immo expresse comprehenduntur. Non licet Abbatii de Conser. dicit. 4. quod tamen solum est Concilii particularis Altisiodorensis, nec Iesus factum irritat. Ratio sumitur in c. Placuit ex hoc; quod Monachorum sit solitudinem colere & sibi ipsis vacare. Cui addi potest exceptio Parochi ad hoc minus non esse admittendum. Pueri autem dos infideles aut hereticos, non publicè excommunicantur, aut interdictos, non publicè criminosos aut infames, nec præterea qui sanâ mente non sunt, nec qui ignorant rudimenta fidei: hac enim patrini spirituales filios suos, ubi opus fuerit, opportune docere tenentur. Hinc specialiter constat excludi pueros ante usum rationis, veluti qui nec spondere nec instruere possunt.

Denique parentes non possunt suscipere Parentes
denique à
susceptione
propria
prol. propriam prolem c. *Pervenit ad nos 30 q. 1.* susceptor enim est ordinatus ad instruendam prolem in defectum parentum, à qui-
bus proinde debet distingui. Idque adeò verum est, ut nequidem indefectum alterius possit admitti: munus enim patrini non est tantæ necessitatis.

upote non comprehensos nomine Monachorum strictè accepto , nec solitudinem Monachalem colentes , sed potius vi sui instituti instructionaliorum vacantes, est opinio probabilior. Quam etiam Varii extundunt ad Canonicos regulares. Præterea hæc prohibitione non comprehenditur Monachus factus Episcopus ; qui specialiter debet exprimi , & in quo finis legis locum non habet. Ita *Glossa in c. Statuum* 18 q. 1. Rodriguez, Sanchez, Layman & alii. Comprehendit tamen hæc lege etiam Abbatias & Sanctimoniales, idque velut à fortiori censem Doctores, signanter Wiggensq. 67 ar. 8 n. 20. dubito tamen an consequenter ad regulas generales interpretandi leges odiosas. Generali nihil dominus loquitur *Rituale Romanum* Tit. de Patrinis dicens : Præterea ad hoc minus admitti non debent Monachi vel Sanctimoniales neque alii cuiuscumque Ordinis Regulares à seculo segregati. Sed an obliget Rituale hoc ultra terminos juris communis publicati ac recepti, dubitari posset. Quibusdam etiam in locis Sanctimoniales , adeoque Abbatias admitti à parochi videmus. Denique *Rituale addendo ly à seculo segregatos*, tacite insinuat esse Regulares, quibus id non competat. uti competit Monachis.

29.

Dico III. Olim tantum unicus esse poterat patrinus ex decreto Higinii Papæ c. *Olim unusquisque in Catechismo & Leonis Papæ c. Non plures*, de tantum patrinus. Conser. d. 4 Quod & confirmavit Concilium Metense sub Stephano VI can. 3. At successu temporis plures fuere exhibiti ; ut colligitur ex c. *Quamvis*, de Cognat. spirit. in 6. Novissime verò Trid. sess. 24 c. 2. de Ref. matr. Nunc unus statuit, ut unus tantum, sive vir, sive mulier, & una pauxia sacrorum Canonum instituta, vel ad summum est adhibendum unus & una baptizatum de Baptismo suscipiuntur; non plus nisi. Utq[ue] Parochus, antequam ad Baptismum conferendum accedat, diligenter ab iis, ad quos spectabit, sciscitetur, quem vel quos elegerint, ut baptizatum de sacro fonte suscipiant. & eum, vel eos tantum ad illum suscipiendum admittat, & in libro eorum nomina describat; doceatq[ue] eos, quam cognitionem continxerint, ne ignorantia illud excusari valeant. Quod si alii, ultra designatos, baptizatum tetigerint, cognitionem spiritualem nullo pacto contrahant, Constitutionibus, in contrarium facientibus, non obstantibus. Si Parochi culpa vel negligentia secùs factum fuerit, arbitrio Ordinarii puniantur, inquit Concilium. Quare Parochum graviter in hoc peccare censem Doctores communis contra Sanchez l. 7. de Matr. a. 57 n. 6. & alios.

30.

pet, ut competit Monachis.

Secundū ad munus Patrini admitti non possunt, nisi baptizati, juxta Doctores unanimiter ex c. In Bap̄ismate 10. de Consecr. dist. 4. Quod desumptum est ex Concilio Mozzertino, adeoque non obligat universitatem, nisi quatenus est uero receptum ab Ecclesia; prout receptum esse, videtur supponi à Doct̄ibus. Inhibitio quoque ita non respicit directe nequid baptizatos, etiam Catechumenos, utpote Ecclesiae non subjectos, sed respicit alios, ne tales designent aut admittant. Solet etiam extendi ad Hæreticos à fortiori. Sed hi potius arcentur iure quasi naturali seu ex natura officii tamquam inidonei, immo verius perveriores, quam instructores baptizatorum. Ideoquē exp̄res̄i arcentur in Rituale Romano sap. quod generaliter prescribit: Sciant

210 Disp. VII. De Necessitate, Effectu & Ceremoniis Baptismi

dentinum suprà, quod doceat experientia, propter multitudinem prohibitionum, multoties in casibus prohibitis ignoranter contrahit matrimonium; in quibus vel non sine magno peccato perseveratur,

Olim triplex
erat illius
species.

Paternitas,

Compaterni-
tas.

Et Confrat-
tertia.

31.
Vero similius
ex solo Bap-
tismo sole-
ni oritur
cognatio in
patrino.

vel ea non sine magno scandalo dirimuntur. Olim enim triplex erat species cognitionis spiritualis, scilicet paternitas, compaternitas & confraternitas. Paternitas quidem inter baptizantem & baptizatum, suscipientem & susceptum. Eaque adhuc manet. Sed extendi solebat ad uxorem patrini, quae ante susceptionem esset à viro cognita; cuius quoque tunc filius spiritualis censebatur is, quem vir suscepisset. Compaternitas est, inter patres spirituales, scilicet baptizantem & patrimum, ab una parte, ac parentes naturales ab altera parte. Sed olim etiam exten-debatur ad uxorem compatriis, à viro ante cognitam; quantumvis ipsa verè commater in Baptismo non fuisset. Confraternitas (quae ex toto est sublata) erat inter baptizatum & proles baptizantis, item inter susceptum & proles suscipientis, velut filios ejusdem patris, partim carnalis, partim spiritualis. Inter patrimum autem & matrinam non fuit olim, nec modò est cognatio spiritualis, sed illi habent se velut pater & mater ejusdem baptizati; & quum autem non est, parentes copulari non posse.

Dixi In Baptismo solemni: quia licet sit satis probabile, cognitionem contrahi etiam in Baptismo privato, cum jura inter solemnem & privatum non distinguantur: & sic docent plures Doctores apud Sanchez l. 7. d. 62. n. 13. Contrarium tamen est aequum probabile, si non probabilius, & docetur à Sanchez ibid. n. 14. Suarez & aliis quos citat. Estque verum, et si quis teneat infantem ex proposito, ut munus patrini subeat. Ratio est: quia patrini adhibitus est ceremonia instituta ab Ecclesia, & quidem pro solo Baptismo solemini: ideoque ex usu Ecclesiae in privato Baptismo non requiritur, qui sèpè à laicis aut feminis ministratur, sic ut solum per accidens vel commoditatis gratiâ concurrat, qui infantem baptizandum tunc teneat. Unde nec nomina hujusmodi describuntur in libro, neque cognitionem contractam eis parochus inculcat; quod tamen præscribit Trident. sess. 24. de Ref. mar. c. 2. Potuisse quidem Ecclesia ceremoniam istam pro Baptismo solemini præscriptissime per modum præcepti, cam relinquendo liberam, attamen efficacem, quando adhibetur in Baptismo privato: de hoc tamen non constat, ut constare debet, ut recte assertetur.

Nec obstat, quod privatim baptizans contrahat cognitionem cum baptizato: hæc enim inter illos oritur ratione Sacra-menti, quod tunc verè consertur: at inter susceptorem & susceptum oritur solum ratione ceremoniæ, quæ ab Ecclesia pro Bap-

tismo privato non est instituta. Quare baptizans solemniter & baptizans privatim non distinguuntur formaliter quantum ad presentem, ut distinguntur susceptor solemnis & privatus. Similiter quando insans fuit domi baptizatus, si postea deseratur ad Ecclesiam, ut ceremoniæ peragantur, qui instar patrini tenet infantem, nullam cum eo contrahit cognitionem: cum tunc vere non suscipiat in Baptismo, sed in Cathe-chismo.

Porro ut cognitionis spiritualis contrahatur requiritur primo, ut susceptor teneat alterum dum baptizatur, vel saltem immediate de manibus baptizantis suscipiendo de sacro fonte levet: quia jura statuerunt hanc cognitionem ubique hujus ceremoniæ mentionem faciunt. Eamque quo ad priorem partem, si Baptismus fiat infusione, quoad posteriorem, si fiat immersione, præscribit Rituale Romanum Tit. de Sacram. Baptismi. Huc facit etiam Declaratio Cardinalium ad sess. 24. de Ref. mar. c. 2. num. 8. Unde adulti qui solum affiuntur, & non tangunt, cognitionem non contrahunt. Non est tamen necessarium, ut carnem immediatè teneant vel tangant, sed sufficit, ut contingant vestimenta ejus qui baptizatur: quia etiam hæc ratione dicimus alium tangere vel tenere. Quare similiter sufficit, quod is teneatur in quadam linea, disco &c. Debet autem hoc fieri animo obeundi munus susceptoris: alias materialis tentio baptizandi, sicut non sufficit ut quis sit susceptor, ita nec sufficit ut contrahat hanc cognitionem. Secundò ut susceptor sit legitimè designatus à parentibus vel parocho (cujus est designare susceptorem in defectu parentum & non alias) quia Tridentinum sup. ordinet, ut nulli ultra designatos, et si tetigerint baptizatum, contrahant cognitionem spiritualem.

Nota I. Si continget plures quam duos vel etiam duos viros aut duas feminas à parentibus designari & à parocho admitti, solum esse, an omnes contraherent cognitionem spiritualem. Suarez ad art. cit. 8. 5. Sed queres, cum aliis probabile putat, solum primò tangentem, vel neminem, si omnes simul tangent, contrahere cognitionem. Sed melius Sanchez l. 7. d. 57. n. 14. & plures alii putant contrarium, si omnes simul baptizatum suscipiant, eò quod Concilium solum videatur prohibere, ne plures suscipiant, non autem irritare. Pro quo referunt Declaratio Cardinalium ad locum citatum Tridentini dicens: Quod si plures sine designati ad contrahendam compaternitatem, contraxerent cognitionem spiritualem, qui tetigerunt, puniri tamen parocho. Ibidem etiam refertur alia Declaratio, Quid omnes contrahant cognitionem, si plures suscipiant, & non constat, quis prius uitigerit, & plures sint electi. Si autem continget aliquos tangere puerum sive suscipere, post

postquam alii sufficienter functi essent officio susceptoris, non contraherent cognationem, v. g. secundum patrinum ejusdem sexus: cō quōd munus patrini ab Ecclesia pro Baptismo Solemni prescriptum prioris susceptione completum videatur, ut proinde posterioris suscepit sit in ordine ad munus patrini illegitima, veluti ab Ecclesia repulsa, Ita Sanchez & alii.

Nota II. In casu quo nulli essent designati, dubium esse, an omnes tangentes puerum contrahant cognationem. Bonacina q. 3. de Impedim. matr. p. 5. §. 2. n. 24. Preposito suo qu. 7. de Impedim. matr. dub. 6. & alii existimant omnes contrahere, si omnes contingant vel suscipiant simul: nam iure antiquo omnes contrahebant, c. Quamvis, De cognatione spirituali in 6. cui standum est, quando alter non decernitur iure novo, quod à Tridentino non videtur factum. Unde Congregatio Cardinalium supra censuit, si plures suscipiant, omnes contrahere cognationem, si non confusat, qui prius tetigerint, & plures sint electi vel nullus: si vero unus sit electus, illum tanquam contrahere.

Nihilominus Sanchez sup. n. 12. & plures alii putant isto casu neminem contrahere cognationem, sive simul sive successivē tangant: cō quōd Tridentinum videatur satis innouasse jus antiquum & postulasse tamquam essentialē conditionem, quōd aliquis sit legitimē designatus. Sed responde ri potest cum Preposito & aliis, Tridentinum hoc modo postulare designationem, quando non designati concurrunt cum designatis. Solum enim irritat in ordine ad cognationem, si alii ultra designatos baptizatum tetigerint; adeoque & aliqui tangentes non contrahant, debet superfluere designatis, & consequenter requiriatur, ut saltem aliqui sint designati. Alias enim propriè non verificatur, quōd alii tetigerint ultra designatos; quam conditionem Tridentinum prescribit. Adhuc autem optimè occurrit Tridentinum (prout occurrit intendit) incommode multiplicationis impedimenti dirimentis, scilicet cognationis spiritualis: si enim ex aetate seruentur ab eodem statuta, pauci hanc cognationem contrahent. Non oportuit autem Tridentinum huic multiplicacioni occurrere, irritando omnia secus quovis modo facta: uti nec juxta ipsum Sanchez sup. n. 16. id praesertit Tridentinum in casu, quo plures quam unus & una à parentibus designati admittuntur.

Nota III. Illum, qui suscipit problem per procuratorem, esse verum susceptorem, & contrahere cognationem. Ita habet Declaratione Cardinalium, que refertur ad locum Tridentini citatum. Conformis quoque extat decisio Rota Romana. Idem docet Coninck 4. 32. dub. 2. n. 40. Bonacina n. 34. & pluri mi alii contra Sanchez lib. 7. disput. 59. & alios putantes nec mittentem nec procura-

torem contrahere cognationem. Ratio est: quia non repugnat huic actui, fieri per aliud, sicut ipsum matrimonium validē contrahitur per procuratorem, & ex nullo alio capite irritatur. Confirmatur, quia magnates ordinariè solent suscipere per procuratorem, censenturque veri susceptores; ergo credendum est eam esse mentem Ecclesie; quae alioquin hoc non deberet permettere, neque censenda est permittere: Apote prohibens Baptismum Solemnam celebrari sine patrino; prout tamen verē celebretur in hujusmodi casibus obviis, si in iis locum non haberet cognatio spiritualis officio patrini intrinseca.

Nec obstat, quōd constituens alium, ut nomine suo baptizet, non contrahat cognationem: quia nemo potest baptizare bus alter sensu satis.

Nec obstat II. quōd patrinus debeat tangere, tenere &c. quæ sonant physicam actionem: nam sufficit ut physice tangat vel teneat, qui ejus vices subit. Ut si ad capiendam possessionem requiratur phisica quædam actio, sufficit hanc fieri ab eo, qui vice alterius possessionem capit. Aliud autem regula generalis est juris in 6. Potest quis per alium, quod potest facere per se ipsum. Intellige, nisi in quibusdam casibus jus obstat: prout ex L. Post mortem 25. ff. de Adoptionibus. Neque adoptare neque adrogare quis absens, neque per alium ejusmodi solemniter peragere potest. Aut nisi effectus hujusmodi sint, qui ex natura rei contrahi debent actione physice personali: prout cognatio naturalis non aliter, quam actione personali parentis contrahibilis est, velut fundata in physica generatione, quæ alteri committi non potest.

Ex his patet, multò minus admittendum esse, quod Petrus de Ledesma, Virvaldis & alii (quos refert Sanchez sup. num. 10.) censuerunt, cognationem spiritualem contrahi ab ipso procuratore seu commissario. Quod repugnat responsu Cardinalium citato. Praeterea id requiriatur in tali animum hoc munus & consequentem obligationem assu mendi; qui tamen deest. Denique non ille, sed qui procuratorem instituit, fuit in patrimum designatus. Ob quod non contraheret procurator cognationem, et si animo illam contrahendi teneret infantem: quid quid contraria senserit Toleto apud Sanchez sup. & Ludovicus Lopez apud eundem Sanchez n. 12. Aliud est de baptizante ex commissione alterius: ille enim verē baptizat nomine proprio tamquam minister Christi, jurisdictione ab alio accepta. Deinde in ministro non requiritur designatione, aut alias specialis intentio, quam conferendi Sacramentum ad hoc ut contrahat cognationem.

39.
Oritur etia
in eo qui
illam non
sutori.

Ac ex Bap-
tismo in
necessitate
collato.

40.
Suscepio
vel Bapti-
zatio pro-
pria prol.,
etiam ex tra-
necessitate,
non impedit
iustum ma-
trimoniū
contraī,

41.
Non ex rao-
sura rei nec
ex juro
semper im-
pedit iuste-
num, quod
qua ma-
trimoniū
contrahe-
dum diri-
git.

Nota IV. hanc cognitionem oris quantumvis ipsa ignoretur: nam lex igitur legitime promulgata vim suam obtinet, etiam si ignoretur, idque verum est, etiam si necessitate cogente aliquis Baptismum contulerit. Hinc si quis cogente necessitate proprium filium ex fornicatione suscepit baptizaret, non potest postmodum ejus matrem in uxorem accipere. Idem dicendum de tenente, & tamen invincibili ter ignorantē legem irritantem.

Nota V. quod eti ab antiquo prohibitum sit parenti prolem suam vel comparis de fonte levare aut extra necessitatem baptizare; si tamen eid faciat post contractum matrimonium, in rigore non privari jure petenti debitum, ut habet sententia hoc tempore satis recepta. Ratio est: quia tantum gravamen non debet imponi sine urgente textu seu lege; qualis non extat, ut fatentur etiam Varii oppositum tenentes. Fuerat quidem hoc statutum c. Pervenit 30. q. 1. etiam in casu, quo id fieret ex ignorantia; revocatum tamen fuit c. de eo ibidem, quamquam de industria contigisse utriusque, statuendo, ut simil meante, qui olim ab invicem jubebantur separari. Et clariss. c. Si vir. de Cognat spirit. Alexander III. statuit, non esse separandos, etiam in casu malitia aut certae scientiae, & utrumque obligat ad reddendum debitum; adeoque etiam dat jus petendi, quod per priores canones catenus tollebatur, quatenus praeципiebatur separatio seu divortium.

Nec obstat, quod quidquid dirimit matrimonium contrahendum, etiam impedit usum anteā contracti. Nam non semper, neque necessariō ex natura rei id subsistit, sed tunc solum, quando jus hoc ordinat. Quod clare patet: nam baptizans in necessitate prolem fornicariam, incurrit impedimentum dirimens matrimonium cum concubina contrahendum, & tamen non impidetur usus anteā contracti, ut patet ex c. Ad limina 30. q. 1. Ad eisdem reideclarationem duo alia exempla adducit Arriago his d. 26 n. 30. Primum est impotentia subsequentis matrimonio, quod ipsa non dissolvit, & tamen contrahendum dirimit. Sed hoc exemplum non est ad propositum: nam in illo nec potest peti nec reddi debitum, ut ipsemet addit. Secundum est conditionis servilis, que si fuisset prævia matrimonio, non potuisse mancipia validè illud contrahere sine voluntate Domini; dum autem subsecutus servitus non requiritur licentia Domini ad petendum vel reddendum debitum. At mancipia non posse validè contrahere matrimonium sine voluntate Domini, est aperte falsum: nam nec inter servos matrimonia debent nullatenus prohiberi: si contradicuntis dominis & iuris contracta fuerint, nullatenus sunt propter hoc dissolvenda, ut declarat Adrianus Papa c. Dignum est 1. De Conjugio servorum.

Quamvis autem oīa indicta fuerit secundum paratio suscipientium proprios filios de sacra fonte à suis uxoribus, certum tamē est matrimonium antea contractum per hoc non fuisse dissolutum; immo nec potuisse per Ecclesiā dissolvi, saltem post consummationem. Nec refert, quod s. Denys dicit Papa in Epistola decretalē (cujus initium refertur c. Pervenit 30. q. 1.) in fine statuat: *Mulieres vero, cum separata fuerint, pro hac illigita re, à propriis viris rotam præcipimus recipere dorem, quam in die nuptiali recepis (legendum receperunt) & post expletum annum recipient alium virum, similiter & vir uxorem.* Nam textus est vitiosus seu corruptus; ideoque verba ista non sunt à Gratiano adjecta. Basilius Pontinus lib. 7. de Mair. cap. 40. loco alium virum, legendum putat, illum virum. Unde non additur, & vir aliam uxorem, sed, & vir uxorem; supple, eamdem. Indubitatum alioquin esse debet Pontificem non declarasse tam inauditam in Ecclesia & palpabilem falsitatem; quam verba ingerere primā fronte videntur. Alias solutiones adiungit Pontius supra.

Nota VI. Cognitionem hanc spiritualem juxta Doctores passim, quos citat & sequitur Diana p. 10. Tract. 16. ref. 89. contra Aversa, Henriquez, in quorum opinionem inclinat Praepositus qu. 7. de impediente nis n. 38. non incurri, quando baptizans ipse non est baptizatus: eō quod leges hujusmodi concernant baptizatos, nec iis ligentur nec dum baptizati. Unde baptizans infidelis indubitate non contrahit impedimentum cum parentibus infidelibus prolis baptizatis, quod minus cum superstite possit in infidelitate matrimonium contrahere. Contingunt tamen alii cum non posse suscepit Baptismo (antea obstitisset aliud impedimentum, scilicet disparitatis cultus) contrahere matrimonium cum prole à se baptizata vel parentibus fidelibus: eō quod Ecclesia possit indirecte & ex consequenti hujusmodi infidelem respicere suā lege, directe scilicet inhabilitando fidem, & indirecte infidelem, ne iste cum hoc contrahat post susceptum Baptismum. Sicut impedimentum criminis hoc modo inducit inter fidelem & infidelem.

Verū etiā Ecclesia id facere potuisset, sed & in impedimento criminis id fecerit. c. 1. de Conversione infidelium: in praesenti tamē casu nil tale expressit, adeoque à generali ordinatione, quæ censetur respicere baptizatos inter se, videtur infideles tacete excepsisse. Alioquin non superat quoque potestatem Ecclesie, statuere indirecte impedimentum inter baptizantem infidelem & parentem prolis similiter infidelem, ita ut si vel quando Baptismum suscipiant, non possent postea validè inter se contrahere; nec tamen de facto Ecclesia id fecit. In dubio quoque non dobet